

婦人良方

產後
扶之

山

下

山

卷之二十

產後門

遍身疼痛方論一 腰痛方論二

惡露路不絕方論三

惡露路不下方論四 惡露路上攻

心痛方論五

惡露路腹痛方論六 兒枕腹痛方論七

小腸痛方論八

寒疝腹痛方論九 兩脇脹痛方論十

積聚癥塊方論十一

血癥方論十二 餘血奔心煩悶

方論十三

虛煩方十四

卷之二十一

產後門

口乾痞悶方論一 血渴方論二

乍寒乍熱方論三

瘧疾方論四 瘧勞方論五

虛羸方論六

風虛勞冷方論七 腹脹滿悶方論八

嘔逆不食方論九

霍亂方論十

卷之二十二

產後門

寒熱方論一

頭痛方論二

卷之二十三

產後門

痢疾作渴方論一

大便秘澀

痢疾及虛羸氣痢方論十二

月水不通方論九

四肢浮腫方論十

腰痛泄利方論十

咳嗽方論三

喘促方論四

口鼻黑鼻衄方論五

咳噫方論六

血崩方論七

月水不調方論八

方論二

大小便不通方論三

遺米異方四

諸淋

方論五

小便頻數方論六

小便

出血方論八

陰脫玉門不開方論九

陰蝕痔方論十

乳少或無方論十一

乳自出方論十二

妬乳方論十三

太醫院校註婦人良方大全卷之二十

江右臨川陳自明良甫編

太醫院使立齋薛已校註

建邑書林泗泉余彰德梓

產後門

產後遍身疼痛方論第一

產後遍身疼痛者由氣虛百節開張血流滑節以致肢體沉重
不利筋脉引急發熱頭痛宜用趁痛散治之陳無擇云若兼感
寒傷食宜用五積散若誤作傷寒發汗則筋脉抽搐手足厥冷
則變為痙當大補氣血為主

愚按前症若以手按而痛甚者是血瘀滯也用四物炮薑紅

花桃仁澤蘭補而散之若按而痛稍緩此是血虛也用四物
炮薑人參白朮補而養之

附治驗

一產婦身腹作痛發熱不食煩躁不寐盜汗脇痛服解散祛血
之藥不時昏憤六脉洪大如無用補中益氣加炮薑半夏下
劑頻退二三四劑寢食甘美但背強而痛用八珍散大補湯
調理而安

一產婦遍身頭項作痛惡寒拘急脉浮緊此風寒之症也用五
積散下劑汗出而愈但倦怠發熱此邪氣去而真氣虛也用
八珍湯調補而痊

趁痛散 治產後骨節疼痛發熱頭重四肢不舉

牛膝酒炒

甘草炒

薤白各一兩

當歸

桂心

白木炒

黃芪炒

獨活

生薑

各半兩

右每服半兩水煎

五積散

方見四卷第九論

附方

四物湯

補中益氣湯

二方見二十四卷第六論

八珍湯

十全大補湯

二方見二十四卷第四論

產後腰痛方論第二

腎主腰脚產後腰痛者蓋腎為胎胞所繫此因產勞傷腎氣以致風冷客之若連背脊痛久未已後遇有娠必至損動

愚按前症真氣虛邪乘之者用當歸黃芪湯或十全大補為

主佐以寄生湯如不應須十全大補加附子

附治驗

一產婦腰痛腹脹善噫諸藥皆嘔余以為脾虛血弱用白朮丁
味炒黃每劑一兩米泔煎時飲匙許四劑後漸安服百餘劑
而愈

治產後風邪頭眩腰痛不可轉側四肢沉重行步艱難

獨活

川芎

芍藥炒黃

桂心

續斷

生薑

桑寄生

各六分

當歸

防風

各八分

右水煎服

如神湯即生料五積散加桃仁逐敗血去風濕產後惡露不盡
腰重痛或兩股痛如錐刺宜服桃仁湯若作癰用五香連翹湯

桃仁湯

治產後惡露不盡腹中作痛或流注腿股作痛急用

此湯治之如未應多變作癰須用五香連翹湯

桃仁

去皮尖

蘇木

生地黄

各半兩

蜚蠊

去足翅炒

水蛭

炒各三箇

右每服五錢姜水煎空心熱服以惡露下為度

五香連翹湯

木香

丁香

沉香

乳香

麝香

升麻

獨活

桑寄生

連翹

木通

各二兩

右每服五錢水煎入竹瀝少許服

黃芪湯

治腰痛不可轉側或汗出壯熱氣短

黃芪

炒

芍藥

炒各二兩

當歸

三兩

太醫局秘製婦人良方 卷二十一
右每服四錢水煎

附方

十全大補湯治症同前又治自汗盜汗或內熱肺熱潮熱發熱或口乾作渴喉痛舌裂或胸乳膨脹脇肋作痛或臍腹陰冷二便不調或頭頸時痛眩暈目花或心神不寧恍惚不寐或形容不充肢體作痛或鼻吸氣冷急趨氣促或因飲食勞役起居失宜或更有一切虛熱之症但服此藥補其根本諸症

悉退

方見二十四卷第四論

獨活寄生湯

方見四卷第七論

產後惡露不絕方論第三

產後惡露不絕因傷經血或內有冷氣而臟腑不調故也

愚按前症若肝氣熱而不能主血用六味地黃丸若肝氣虛而不能藏血用逍遙散若脾氣虛而不能攝血用六君子湯胃氣下陷而不能統血用補中益氣湯若脾經鬱熱而血不歸源用加味歸脾湯若肝經怒火而血妄行用加味四物湯若氣血俱虛用十全大補湯若肝經風邪而血沸騰用一味防風丸

附治驗

一產婦惡露淋瀝體倦面黃食少惡寒晝夜不寐驚悸汗出此脾經虛熱用加味歸脾湯而痊後因怒脅脹作嘔少食用六君加柴胡治之而痊

一方用蒲黃二兩水煎頓服

一方貫衆醋煎炙乾為末每服二錢米飲調下

返魂丹

一名益母草丸

治產後惡露不絕及胎前產後諸症

益母草四月五月採取

陰乾用葉及子

子名

為末煉蜜九彈子大每服一丸細嚼

米飲下臨產腹痛或胎動不安或漏血當歸湯化下死胎或

胎衣不出或牙關緊急或血暈血熱煩悶如見鬼神併童子

小便入酒少許化下惡露腹痛或淋瀝或月水不調當歸酒

化下

附方

六味丸

方見二十四卷第十一論

加味逍遙散

加味歸脾湯

十全大補湯

三方見二十四卷第四論

補中益氣湯

六君子湯

加味四物湯

三方見二十四卷第六論

一味防風丸

方見十二卷第六論

產後惡露不下方論第四

產後惡露不下因臟腑勞傷氣血虛損或風冷相搏所致

愚按前症若惡露不下用朱芩散若氣滯血凝用花蕊石散

若因去血過多而煩熱不止宜參第七論主治

附治驗方藥

一產婦患前症服峻厲之劑惡露隨下久而昏憤以手護其腹

余曰此脾氣復傷作痛故用手護也以人參理中湯加肉桂

二劑補之而愈

失笑散

方見後

人參理中湯

方見後

花薤石散

方見十八卷第四論

返魂丹

方見前

產後惡露上攻心痛方論第五

產後心痛為陰血虧損隨火上衝心絡名曰心胞絡痛宜太岩

蜜湯治之若寒傷心經名曰真心痛朝發夕死夕發朝死無藥可救

愚按前症若陽氣虛寒用岩蜜湯溫之瘀血上衝用失笑散

散之血既散而痛仍作用八珍湯補之大凡肚腹作痛以手

按之却不痛此血虛也須用補養之劑

附治驗

一產婦患前症昏憤口禁冷汗不止手足厥逆用六君子加附
子一錢以廻其陽二劑頓甦又以十全大補湯養其血氣而
一產婦患前症手不敢近腹用失笑散一服下瘀血而愈次日
復痛亦用前藥而安

一產婦患前症用太黃等藥其血雖下復患頭痛發熱惡寒次
日昏憤自以兩手堅護其腹不得診脈視其面色青白余為
脾氣虛寒而痛也用六君子湯加薑桂而痛止又用小珍湯
加薑桂調理而安

大岩蜜湯治產後陽氣虛寒心腹作痛不食嘔吐四肢厥逆

生地黃 當歸 獨活 吳茱萸 芍藥

乾薑 炒 甘草 炒 桂心 小草 各一兩 細辛 兩半

右每服半兩水煎

失笑散 治產後惡血上攻心腹作痛或牙關緊急一服可愈

五靈脂

蒲黃

各一錢

右醋水煎一味五靈脂尤妙

大君子湯

方見二十四卷第六論

十全大補湯

八珍湯

二方見二十四卷第四論

產後惡露腹痛方論第六

產後腹痛或因外感五邪內傷六淫或瘀血壅滯所致當審其因而治之

愚按前症若瘀血內停用失笑散風寒外感用五積散

附治驗

一婦產後小腹痛甚牙關緊急此瘀血內停灌以失笑散下血而甦又用四物加炮薑白朮陳皮而愈

一婦人經水來比常度過多不止遂服瀉藥止之致腹作痛此乃氣血凝滯也用失笑散二服而愈

隱居澤蘭湯 治產後惡露腹痛或胃滿少氣

澤蘭

生地黃

當歸

芍藥炒

生薑各一錢

甘草炒五分

大棗四箇

右水煎服

四物湯 方見二十四卷第六論

五積散 方見第四卷九論

失笑散 方見前

產後兒枕腹痛方論第七

產後兒枕者乃母胎中宿血也或因風冷凝滯於小腹而作痛愚按前症若宿血作痛失笑散行之既散而仍痛四神散調之若惡心作嘔此屬氣虛用六君子健其胃氣若發熱頭痛或腹痛按而不痛此屬血虛用四物炮薑參朮補其脾氣

附治驗

一產婦患前症或用驅逐之劑昏憤口噤手足發搐此血氣虛極之變症也用八珍湯加炮薑二錢四劑未應又以十全大補湯加炮薑一錢二劑而甦

一方用山查濃煎汁入砂糖少許再煎熱服

失笑散

方見前

四神散

方見第四卷第四論

六君子湯

四物湯

二方見二十四卷第六論

八珍湯

十全大補湯

二方見二十四卷第四論

產後小腹痛方論第八

產後小腹痛由惡露凝結或外寒相搏若久而不散必成血瘕而月水不調

愚按前症若因氣滯用延胡索散若因外寒用五積散若因怒氣用四物加木香柴胡若因血虛用四物參朮炮薑若因陽氣虛弱用四君當歸炮薑若因脾虛血弱用六君當歸炮薑治之

附治驗

一產婦患前症或作嘔或昏瞶此脾氣虛寒用人參理中湯漸愈又以補中益氣湯加茯苓半夏全愈後復作痛而兼喘仍用補中益氣湯培補脾肺而瘥

延胡索散 治產後惡血凝滯臍下作痛或作寒熱

延胡索

桂心 各半兩

當歸 一兩

右為末每服二錢食前用熱酒調下失笑散尤效

當歸養血丸 治產後瘀血心腹脹痛或腰脚疼痛

當歸

赤芍藥

牡丹皮

延胡索 炒各二兩

桂心 一兩

右為末煉蜜丸桐子大每服三四丸溫酒下

附方

人參理中湯

治陽氣虛弱小腹作痛或脾胃虛弱飲食少思

或去後無度或嘔吐腹痛或飲食難化胃膈不利如附子名附

人參

白朮

乾薑炮

甘草

各等分

右每服五七錢或一兩水煎服

五積散

方見四卷第九論

四物湯

四君子湯

補中益氣湯

三方見二十四卷第六論

產後寒疝腹痛方論第九

產後臍腹作痛乃冷氣乘虛也用當歸建中湯治之陳無擇云
若產當寒月入門臍下脹痛手不可近者用羊肉湯治之

愚按前症若脾胃虛弱寒邪所侵用蟠葱散若肝經濕熱小便不利用龍膽瀉肝湯仍參前論恐有瘀血為患

附治驗

一產婦小腹作痛小便不利內熱晡熱形體倦怠余用加味逍遙散以清肝火生肝血用補中益氣湯補脾胃升陽氣而痊

羊肉湯

治產婦脾虛寒邪所乘以致腹痛或頭眩脇膈急痛

精羊肉兩四當歸

川芎各半兩

生薑一兩

右以水十盞煎至四盞分四次空心服

蟠葱散

龍膽瀉肝湯

二方見二十四卷第八論

加味逍遙散

補中益氣湯二方見第二十四卷第四論

產後兩脅脹痛方論第十

產後兩脅脹痛因惡露不盡或肝經血虛或肝經氣滯當分而治之

愚按前症若肝經血瘀用玄胡索散若肝經氣滯用四君青皮柴胡若肝經血虛用四物參朮柴胡氣血俱虛用八珍柴胡若腎水不足不能生肝用六味丸若肺金勢盛尅制肝木用瀉白散仍參照前各論主之

附治驗

一產婦因怒兩脅脹痛吐血甚多發熱惡寒脅腹脹痛余以為氣血俱虛用八珍加柴胡丹皮炮薑而血頓止又用十全大補湯而寒熱漸退此症苟非用薑桂辛溫助脾肺以行藥勢不惟無以施其功而反助其脹耳

經効方

治產後肝經氣滯不平脅肋腹痛或寒熱往來內熱

輔熟

當歸一錢五分

芍藥炒

苦梗炒

檳榔

枳殼炒各八分

桂心

青木香

柴胡各六分

右水煎服

當歸散

治產後陰血虛弱或氣滯血凝以致發熱腹痛或腹

脅脹滿以當歸乾薑等分每服三錢水煎

抵聖湯

治血滯腹痛或腹悶滿嘔吐不食方見後卷八論

四君子湯

四物湯二方見二十四卷第六論

八珍湯方見二十四卷第四論

六味丸方見二十四卷第十一論

瀉白散方見五卷第二論

玄胡索散方見前

產後積聚癥塊方論第十一

夫積者陰氣也五臟所生聚者陽氣也六腑所成然積為陰陰性沉伏故痛不離其部聚為陽陽性浮動故痛無常處皆由飲食不節起居失宜產後血氣虛弱風冷所乘搏於臟腑耳

愚按前症乃真氣虧損邪氣乘之况產後得之尤當固元氣為主若求旦夕之效而攻其邪則速其危矣當參前六七論及七卷瘕癖諸論治之

附治驗方藥

一產婦腹中似有二塊或時作痛而轉動按之不痛面色痿黃

痛則皎白脉浮而瀦余謂此肝氣虛而血弱也不信乃行破
血行氣痛益甚轉動無常又認以爲血瘀專用破血祛逐之
藥痛攻兩脇肚腹尤甚益信爲驚確服下蟲等藥去血甚多
形氣愈虛肢節間各結小核隱於肉裏以爲驚字畏藥而走
於外余云肝臟血而養諸筋此因肝血復損筋涸而變結耳
蓋肢節骨項皆屬肝胆部分養其脾土補金水以滋肝血則
筋自舒遂用八珍湯逍遙散歸脾湯加減調治而愈
一婦月經不調兩杓腫脹小便澀滯腹中一塊作痛或上攻脇
腹或下攻小腹發熱晡熱惡寒肌膚消瘦飲食無味殊類瘵
症久而不愈余謂肝脾血氣虧損用八珍湯逍遙散歸脾湯
隨症互服而愈

逍遙散

八珍湯

歸脾湯三方見二十四卷第四論

產後血瘕方論第十二

產後瘀血與氣相搏名曰瘕謂其痛而無定處此因風有風寒而成輕則否澁重則不通

愚按前症乃寒邪乘客氣血壅結此因氣病而血病也當補養胃氣調和月經寬緩靜養為善難經云任脉之病男子為七疝女子為瘕聚當察前後各論治之治血瘕作痛臍下脹滿或月經不行發熱體倦

當歸 八分

桂心

芍藥 炒

血竭

蒲黃 炒各六分

延胡索 炒四分

右為末每服二錢空心酒調下

葛氏方治症同前用桂心為末每服一錢空心酒調下

產後餘血奔心煩悶方論第十三

產後瘀血奔心蓋因分挽後不飲童便以致虛火上炎所致宜用後方主之

愚按前症當與前第五論同治

金黃散 治惡熱上衝肚腹作痛或發熱作渴

延胡索

蒲黃各一錢

桂心二分

右為末酒調服

一方用炒蒲黃每服三錢水煎服失笑散亦佳

產後虛煩發熱方論第十四

原無論

竊謂前症乃陽隨陰散氣血俱虛若惡寒發熱煩躁作渴急
用十全大補湯若熱愈甚急加桂附若作渴面赤宜用當歸
補血湯若誤認爲火症投以涼劑禍在反掌王太僕先生云
如大寒而其熱之不熱是無火也熱來復去晝見夜伏夜發
晝止不時而熱是無火也當治其心如大熱而甚寒之不寒
是無水也熱動復止倏忽往來時動時止是無水也當助其
腎故心盛則生熱腎盛則生寒腎虛則寒動於中心虛則熱
收於內又熱不勝寒是無火也寒不勝熱是無水也治法前
症無水者八味丸無火者八味丸氣血俱虛者八珍湯與十
全大補湯

附治驗

大尹俞君之內產後發熱嘔吐血便血兼盜汗小便頻數
胃腸脹痛肚腹痞悶余曰此諸臟虛損也症當固本為善自
特知醫用降火之劑更加瀉利腸鳴嘔吐不食腹痛足冷始
信余言診其脉或浮洪或沉細或如無其面或青黃或赤白
此虛寒假熱之狀時雖仲夏當捨時從症先用六君子加炮
薑肉桂數劑胃氣漸復諸症漸退更佐以十全大補湯半載
全愈

儒者楊敬之內人所患同前但唾痰涎或用溫補化痰之劑
不應面色黧黑兩尺浮大按之微細此因命門火虛不能生
脾土脾土不能生諸臟而為患也用八味丸補土之母而痊
人參當歸湯 治產後虛煩短氣煩悶

人參

當歸

麥門冬

桂心

生地黃

各二錢

大棗

四枚

粳米

合

淡竹葉

二錢

芍藥

炒黃錢

右水煎服

蒲黃散

治症同上方見前兒枕病

四物湯加茯神遠志治產後虛煩十全大補湯尤効

六味丸

八味丸

二方見二十四卷第十一論

八珍湯

十全大補湯

二方見二十四卷第四論

六君子湯

方見二十四卷第六論

太醫院校註婦人良方卷之二十終

太醫院校註婦人良方大全卷之二十一

江右臨川陳自明良甫編

太醫院使立齋薛已校註

建邑書林泗泉余彰德梓

產後門

產後口乾痞悶方論第一

論曰產後口乾痞悶因食米麴乾飯太早脾胃不能消化平熱鬱所致慎不可下但服見現丸則愈無擇云若內積憂煩外傷燥熱宜四物湯去地黃加人參烏梅可愈

愚按前症若宿食停滯用六君枳實神麴若因肉食所致更加山查若因魚鱸之類再加陳皮其物既消而仍痞或反作

痛作嘔此脾胃受傷用六君子湯或噯酸噯腐加炮薑作瀉
更加升麻如不應佐以四神丸或間用補中益氣湯為是

附治驗

一婦人食角黍煩渴痞悶腹痛太便欲去不去服消導等藥不
應飲食日減飢體日瘦半年矣余謂此食積為患用大酒麴
炒為末溫酒調服二錢俄間腹鳴良久仍下糞而愈

一婦人食魚鮓腹痛患痢諸藥不應用陳皮白朮等分為末以
陳皮湯送下數服而愈

見現丸

薑黃炒

三棱錯炒

革澄茄

陳皮

良薑

人參

我茂

酒炒各等分

右為末用蘿蔔汁糊丸桐子大每服三十丸白湯下

產後心煩發渴宜清心蓮子飲

方見六卷首論

附方

六君子湯

補中益氣湯

二方見二十四卷第六論

四神丸

方見八卷第八論

產後血湯方論第二

竊謂前症若出血過多虛火上炎用童子小便或四物白朮
麥門丹皮若胃氣虛而有熱用竹葉歸芪湯若血虛發熱用
八珍加麥門五味若血脫發熱煩躁用當歸補血湯若胃氣
虛弱用補中益氣湯或七味白朮散

附治驗

一產婦患前症朝寒暮熱肚腹作痛以手按之不痛余以為血氣俱虛用八珍之類治之彼反行逐血更加發熱煩躁余用當歸補血湯熱躁漸止用八珍麥門五味氣血漸復

附方

七味白朮散

治中氣虛弱津液短少口乾作渴或因吐瀉致

人參

白朮炒

木香

白茯苓

甘草炒

藿香

乾葛各一錢

右水煎服

竹葉歸芪湯

治胃氣虛熱口乾作渴惡冷飲食者不

竹葉

一錢五分

當歸一錢

黃芪二錢

白朮

人參各一錢

麥門冬七分

甘草五分

右水煎服

四物湯

補中益氣湯

二方見二十四卷第六論

八珍湯

方見二十四卷第四論

當歸補血湯

方見二十四卷第十一論

產後乍寒乍熱方論第三

產後乍寒乍熱由血氣虛損陰陽不和若陰勝則乍寒陽勝則乍熱宜用增損四物湯若因敗血不散腹內作痛宜用奪命丹後用增損四物湯隨病加減無擇云敗血流閉諸陰則寒流閉諸陽則熱用大調經散五積散

愚按前症若因陽氣不足陰氣上入於陽中而惡寒者用補

中益氣湯若因陰氣不足陽氣下陷於陰中而發熱者用六
味地黃丸若氣血不足而惡寒發熱者用小珍湯若病後寒
熱倦怠者用補中益氣湯若肌熱大渴目赤面紅者用當歸
補血湯

附治驗

一產婦惡寒發熱余以爲血氣虛寒用十全大補加炮薑而寒
熱愈用補中益氣而肢體安又食後犯怒惡寒發熱抽搐咬
牙面色青中隱黃此肝木侮脾土飲食停滯用六君子加木
香一劑而安
一產婦惡寒發熱余以爲氣血俱虛不信反用小柴胡湯致汗
出謔語煩熱作渴肢體抽搐余用十全大補一劑益甚脈洪

大重按如無此藥力不能及乃加附子四劑稍緩數劑而安
增損四物湯

人參

當歸

芍藥

炒

川芎

乾薑

炒各一兩

甘草

四錢

右每服四錢木薑煎

大調經散

治產後惡露未消寒熱自汗或肚腹作痛

大豆

一兩半炒去皮

茯神

一兩

真琥珀

一錢

右為末每服一錢空心濃煎烏豆紫蘇湯調下

附方

六君子湯

補中益氣湯二方見二十四卷第六論

當歸補血湯

方見二十四第十一論

八珍湯

十全大補湯

二方見二十四卷第四論

六味地黃丸

方見二十四卷第十一論

產後瘧疾方論第四

郭稽甫云產後作寒作熱者多是敗血爲害或陰陽不和若藥作瘧疾治之誤矣陳無擇曰產後寒熱或一二日或三五日或發或先寒後熱或先熱後寒或寒多熱少或熱多寒少或純寒純熱者皆是瘧疾最難治療可用草菓飲生煎飲四獸飲選之愚按前症當與第十四卷第十論參看用藥以補胃氣爲主佐以草菓飲之類若胃氣稍充以草菓飲爲主佐以補胃之劑太抵產後瘧疾因脾胃虛弱飲食停滯或外邪所感或鬱怒傷脾或暑邪所伏審係飲食用六君加桔梗蒼朮藿香如

外邪多而飲食少用霍香正氣散如外邪少飲食多用人參
養胃湯勞役所傷用補中益氣湯氣血虛弱用十全大補加
炮薑中氣虛寒用六君加薑桂元氣脫陷急加附子蓋氣虛
則寒血虛則熱胃虛則惡寒胃氣下陷則寒熱交作或吐瀉
不食腹痛煩渴發熱譫語或手足逆冷寒戰如慄雖見百症
但溫補脾胃其病自退若誤用清脾截瘧之類多致不起

附治驗

產婦患瘧發熱作渴胸膈脹滿遍身作痛三日不食嘔酸愛
氣此是飲食所傷脾胃不能消化用六君加神麴山楂四劑
而不作酸乃去神麴山楂又數劑而飲食進其大便不通至
三十五日計進飲食七十餘碗腹始悶令用猪膽汁導而通

之其糞且不甚燥

一產婦患瘕久不愈百病蜂起其脈或洪大或微細或弦緊或沉伏難以名狀用六君加炮薑二十餘劑脈症稍得又用參朮煎膏佐以歸脾湯百餘劑而瘕

一產婦朝寒暮熱或不時寒熱久不愈用六君子補中益氣兼服百餘劑而尋愈

產後瘕疾心脾痛見小產

產後虛勞方論第五

關文

愚按產後勞甚蓋產後虛弱元氣不復所致故寒熱食少頭目四肢腰痛若脾虛而不能生血者用六君子湯加當歸若脾肺氣虛而咳嗽口乾用補中益氣加麥門五味若因中氣虛而

口乾頭暈用補中益氣加蔓荊子若肝經血虛而肢體作痛
用四物參朮若因肝腎虛弱而自汗盜汗寒熱往來者用六
味丸加五味子若因脾虛血弱肚腹作痛月經不調用八珍
湯倍加白朮若因脾虛血燥皮膚瘙癢用加味逍遙散大抵
此症多因脾胃虛弱飲食減少以致諸經疲備而作當補脾
胃飲食一進精氣生化諸臟有所倚賴其病自愈矣仍照虛
煩發熱方論主治

增損柴胡湯 治產後虛弱寒熱如瘧食少腹脹

柴胡

人參

甘草炒

半夏炒

陳皮

川芎

白芍藥

炒各等分

白芍每服五錢水薑棗煎日二服

白茯苓散

治產後羸勞頭目四肢疼痛寒熱如瘧

白茯苓

兩一

當歸

川芎

桂心

白芍藥

炒

黃芪

炒

人參

各半兩

熟地黃

半兩自製

右先以水三盞入猪腎一雙薑棗各三事煎一盞去之入前藥半兩煎一盞服

猪腰子粥

治產後羸勞發熱用猪腰子一枚去膜切片用鹽

酒拌先用粳米一合入葱椒煮粥鹽醋和將腰子鋪碗底以

熱粥蓋之如作蠶生狀空心服

黃芪建中湯

治產後諸虛不足發熱或惡寒腹痛

黃芪

炒

肉桂

各一兩

白芍藥

炒二兩

甘草

炒七錢

右每服五錢用薑棗水煎日三服虛甚須加附子

附方

六君子湯

補中益氣湯

四物湯

三方見二十四卷第六論

六味丸

方見二十四卷第十一論

八珍湯

加味道遙散

二方見二十四卷第四論

產後虛羸方論第六

產寶云產後虛羸者皆由產後虧損血氣所致須當慎起居節飲食六淫七情調養百日庶保無疾若中年及難產者毋論日期必須調養平復方可治事否則氣血復傷虛羸之症作矣愚按前症產傷氣血者用八珍湯飲食傷胃者用四君子湯停食傷脾者用六君子湯勞傷元氣者用補中益氣湯若嘔

氣覺有藥味者此藥復傷胃也但用四君子湯徐徐少飲以調脾胃若胃氣一健血氣自生諸症自愈矣

黃雌雞湯

治產後虛羸腹痛

小黃雌雞

一隻去頭足翅羽腸肚細切

當歸

白朮炒

熟地黃製

桂心

黃芪

炒各半兩

右先以水七鍾煮雞至三鍾每用汁一鍾藥四錢煎日二服

十全大補湯

治產後氣血未復形體虛弱發熱惡寒等症見方

二十四卷
第四論

產後風虛冷勞方論第七

共

產後氣血勞傷臟腑虛弱若風冷乘之血氣愈虛形氣羸損風冷入臟令人無子謂之風虛冷勞也

愚按前症若血氣虛弱用八珍湯血氣虛寒用十全大補湯
胃氣虛弱用補中益氣湯脾氣虛弱用六君子湯命門火衰
用八味丸肝脾血虛用加味逍遙散肝脾鬱怒用加味歸脾
產寶方治產後虛羸不生飢肉

黃芪炒

當歸

芍藥炒

人參

各三錢

桂心

甘草炒

川芎

生薑

各四錢

大棗

十二枚

右水煎分三服

又方猪腎一雙煮入葱豉作臠如常食之

產後腹脹嘔吐方論第八

產後腹脹滿悶嘔吐者因敗血散於脾胃不能運化而致宜用

抵聖湯治之

愚按前症若敗血散於腸胃宜用前方若飲食停於脾宜用六君厚朴若飲食傷於胃宜用六君子湯大凡損其脾者當節其飲食為善

附治驗

一產婦患前症或用抵聖湯敗血已下前症益甚小腹重墜似欲去後余謂此脾氣虛而下陷用補中益氣湯加炮薑溫補脾氣重墜如失又用六君子湯而安

抵聖湯

赤芍藥

半夏

澤蘭葉

人參

陳皮

甘草

炒各一錢

右用生薑焙乾半兩水煎

愚按前方最宜用之

附方

六君子湯

補中益氣湯二方見二十四卷第六論

產後嘔逆不食方論第九

經云胃為水穀之海以養臟腑因產後胃氣虛弱飲食所傷必致嘔逆故不食也

愚按前症若因飲食過時用四君子湯飲食過多用六君子湯飲食過時而兼勞役用補中益氣若因飲食停滯用人參養胃湯脾胃氣虛用六君子湯胃氣虛寒加炮薑木香寒水侮土用益黃散肝木侮脾土用六君子湯柴胡命門火衰不

能生_レ王_レ用_二八味丸_一嘔吐泄瀉手足俱冷或肚腹作痛乃陽氣
虛寒急用附子理中湯多有生者

附治驗

一產婦朝吐痰夜發熱晝夜無寐或用清痰降火肌體日瘦飲食
日少前症愈甚余曰早間吐痰脾氣虛也夜間發熱肝血
虛也晝夜無寐脾血耗也遂用六君子湯加味道遙散加味
歸脾湯以次調補而痊

開胃散 治產後胃虛嘔吐胃滿不食

呵子肉

兩半

人參

兩一

甘草

兩半

右每服五錢薑水煎

治產後胃虛嘔逆

橘紅兩一

半夏

甘草炒各半兩

藿香三兩

右每服五錢薑水煎

治產嘔逆不食白朮

錢五薑錢六

水煎徐徐溫服

石蓮散

治產後胃寒咳逆吐不食或腹作脹

石蓮肉

兩半

白茯苓

兩一

丁香

錢五

右為末每服二錢不拘時用薑湯或米飲調下日三服

附方

錢氏益黃散

治脾土虛寒水反來侮以致嘔吐不食或肚腹

作痛或太便不實手足逆冷等症

陳皮

兩一

青皮

呵子肉

甘草

炙

丁香

錢二

右為粗末每服四錢水煎服

人參養胃湯

治外感風寒內傷飲食寒熱頭眩或作瘧疾

半夏

厚朴製

橘紅 八分

藿香葉

草菓

茯苓

人參 五分

甘草 炙三分

蒼朮 一錢

右薑七片烏梅一箇水煎服

四君子湯

補中益氣湯 二方見二十四卷第六論

八味丸

方見二十四卷第十一論

附子理中湯

方見二十卷第八論

加味逍遙散

加味歸脾湯

二方見二十四卷第四論

產後霍亂方論第十

產後霍亂因臟腑虛損飲食不消觸胃風冷所致若熱而飲水者五苓散寒而不飲水者理中丸虛冷者中丸加附子來復丹尤妙愚按此症當與後卷第十一論互相主治

附治驗

一產婦停食霍亂用藿香正氣散之類已愈後曾腹膨脹飲食稍過即嘔吐或作泄瀉余謂此脾胃俱虛用六君子湯加木香治之漸愈後因飲食失調兼患霍亂曾腹大痛手足逆冷用附子散又用八味丸以補土母而康設泥痛無補法而用辛散或用平補之劑必致不起

一產婦吐瀉噤酸面自浮腫此脾氣虛寒先用六君加炮薑為主佐以越鞠丸而噤酸愈又用補中益氣加茯苓半夏而脾

胃康

白朮散 治脾胃傷吐瀉腹痛煩渴手足逆冷或太使不實

白朮

橘紅

麥門冬去心

人參

乾薑炮各一兩

甘草半兩

右每服四錢薑水煎

附子散 治脾胃虛寒吐瀉腹痛手足逆冷或自汗口噤

附子炮

白朮炒

當歸

吳茱萸

丁香

橘紅

甘草炒各半兩

右為末每服二錢粥飲調若脾胃虛用參苓白朮散

附方

藿香正氣散 治外感風寒內停飲食頭疼寒熱或霍亂泄瀉

或作癰疾

藿香

一錢五分

桔梗

炒

大腹皮

紫蘇

茯苓

白芷

半夏

陳皮

白朮

炒

厚朴

製各一錢

甘草

炙五分

右薑棗水煎熱服

五苓散

白朮

炒

猪苓

各二錢

桂

三分

澤瀉

一錢五分

茯苓

一錢

右水煎服

理中丸

治脾胃虛寒嘔吐泄瀉飲食少思肚腹膨脹

人參

白朮

炒

乾薑

炮

甘草

炙各一錢

右為末米糊丸彈子大每服一九嚼細白湯下

來復丹 治伏暑泄瀉身熱脉弱其效如神愴卒間須用此藥

硝石 一兩同硫黃火上微炒用柳條攪結砂子不可火大 太陰玄精石 研

舶上硫黃 各一兩 五靈脂 去砂石 青皮

陳皮 各二兩

右為末醋糊丸小豆大每服三十丸空心米飲下

易簡方云硝石性寒佐以陳皮其性疎快硫黃性寒味澁若

作煖藥以止瀉誤矣蓋由啖食生冷或冒暑熱之氣中脘閉

結揮霍變亂非此藥不能通利三焦分理陰陽其功甚速

六君子湯 方見二十四卷第六論

八味丸 方見二十四卷第十一論

良方卷之二十一終

太醫院校註婦人良方太全卷之二十二

江右臨川陳自明良甫編

太醫院使立齋薛已校註

建邑書林泗泉余彰德梓

產後門

產後集執方論第一

產後發熱頭痛身疼雖如傷寒時氣雖當用麻黃亦不可輕易
如早起勞動為寒所傷則淅淅惡寒翕翕發熱頭項肩背骨節
皆痛至七八日乃差若大便堅作嘔不能食用小柴胡湯加生
薑地黃主之

愚按病机要云治胎產之病從厥陰經論之無犯胃氣及上

中二焦為之三禁不可汗不可下不可利小便發汗者同傷
寒下之早證利大便則脈數而已動於脾利小便則內亡津
液胃中枯燥製藥之法能不犯三禁則榮衛自和而寒熱止
人參當歸散 治去血過多內熱短氣頭痛悶亂骨節作痛或
虛煩咽燥

人參

當歸

生地黃

桂心

麥門冬

去心各一兩

白芍藥

右粳米一合竹葉十片水二鍾煎一鍾去之入藥五錢棗二枚煎服虛甚用熟地黃

小柴胡湯

治傷風四肢煩熱頭疼若頭不疼而作煩二物黃

芩湯

方見二十四卷第二論

二物黃芩湯

黃芩兩半

苦參兩一

生地黄兩二

右每服四錢水煎

增損柴胡湯

治虛弱寒熱少食腹脹等症

方見勞聲

竹葉防風湯

治產後傷風發熱面赤氣喘頭痛

淡竹葉把半

防風

人參

桂枝

苦梗

甘草兩各半

葛根半一兩

右每服五錢薑棗水煎汗出項強加附子六嘔加半夏

治惡露不盡晝則明了暮則譫語寒熱如見鬼此熱入血室用

柴胡地黃湯或四物加柴胡

方見大卷
五論

產後頭痛方論第二

夫頭者諸陽之會也產後胃氣虛弱飲食少思陽氣微弱不能
上升故頭痛若因敗血黑龍丹言之甚詳

愚按前症若中氣虛用補中益氣湯加蔓荊子若血虛用四
物加參朮血氣俱虛用八珍湯若因風寒所傷用補中益氣
湯加川芎

附治驗

一產婦患頭痛日用補中益氣湯不效已三年矣稍勞則惡寒
內熱為陽氣虛以前湯加附子一錢數劑不痊

一婦人產後頭痛面青二年矣日服四物等藥余謂腎水不能
生肝木而血虛用六味丸加五味子兩月而痊

芎附散 治氣虛頭痛用大附子一枚去皮臍切四片秤二釐七醋

一碗炙附片同川芎一两為末每服二錢清茶調服

治血虛頭疼當歸川芎每服五錢水煎

產後頭痛都梁丸亦可治

方見四卷第六論

附方

補中益氣湯

四物湯二方見二十四卷第六論

八珍湯

方見二十四卷第四論

六味丸

方見二十四卷第十一論

產後咳嗽方論第三

夫肺主于氣產後肺氣虛故外邪感而咳嗽所由作也若食羶
醢之類而致者難治若曰麵積滯而致者服黑神散五積散可
愚按前症若陰血虛四物湯加參朮陳皮桔梗肺氣虛四君

加芎歸桔梗陰火上炎六味地黃丸加參朮風寒所感補中
益氣湯加桔梗紫蘇若瘥血入肺發喘兼口鼻起黑或鼻出
血急用二味參蘇飲亦有得生者然而所患悉因胃氣不足
蓋胃為五臟之根本胃氣一虛五臟失所百病生焉經云肺
屬辛金生于巳土脾土既虛不能生金則腠理不密外邪易
感矣治當壯土生腎水以制火為善

附治驗

一產婦朝吐痰夜發熱無寐泥用清痰降火之藥肌躰日瘦飲
食日少余曰早間吐痰脾氣虛也夜間發熱肝血虛也晝夜
無寐脾無耗也遂用六君子湯加味逍遙散加味歸脾湯以
次調補不月而瘥

一產婦咳嗽見風則喘急惡寒頭痛自汗口禁痰盛余為脾肺氣虛腠理不密用補中益氣加肉桂數劑而安

一產婦咳嗽聲重鼻塞流涕此風寒所感余用參蘇飲一鍾頓愈與補中益氣加桔梗茯苓半夏一劑將痊又與六君黃芪以實腠理全愈

一產婦咳嗽痰盛面赤口乾內熱晡熱徹作無時此陰火上炎余用補中益氣湯六味地黃丸而愈

一產婦咳而狀滿不食涕唾面腫氣逆此病在胃而關于肺用異功散而愈

知母散 治惡露上攻咳嗽不止

知母

貝母

白茯苓

人參各半兩

桃仁

杏仁並生去皮尖各一兩

右每服五錢水煎

治風寒咳嗽

甘草

桔梗各六分

款冬花四分

麥門冬

生地黄各一錢二分

葱白一握

右水煎服

旋覆花湯

治咳嗽最良方見下有汗者去麻黃

附方

異功散

治脾胃虛弱飲食少思或久患咳嗽或狀滿不食而

浮氣逆等症

人參

白朮炒

甘草炒

茯苓

陳皮 各一錢

右薑棗水煎服

六君子湯

四物湯

四君子湯

補中益氣湯

四方見二十四卷第六論

六味丸

方見二十四卷第十一論

二味參蘇飲

方見後

參蘇飲

方見六卷第十一論

產後喉中氣急喘促方論第四

產後喉中氣急喘促因榮血暴竭衛氣無主獨聚于脈名曰孤陽最為難治若因敗血停凝服奪命丹若因榮血暴絕服苦藷湯若因風寒所傷服旋覆花湯若因氣鬱結服小調經散若因

傷飲食服見現丸

愚按前症若脾肺氣虛弱用六君桔梗若兼外邪更加紫蘇
若中氣虛寒用補中益氣加炮薑肉桂若陽氣虛脫更加附
子若瘀血入肺急用一味參蘇飲

附治驗

一產婦喘促自汗手足俱冷常以手護臍腹此陽氣虛脫用參
附湯四劑而愈

一味參蘇飲 治產後血入於肺面黑發喘欲死者

人參一兩

蘇木二兩

右水煎頻服

旋覆花湯

治傷風寒暑濕喘嗽太盛坐卧不寧

旋覆花

赤芍藥

前胡

半夏麴

荊芥穗

甘草

茯苓

五味子

杏仁

麻黃各等分

右每服四錢薑棗水煎有汗者莫服

五味子湯治產後喘促脉伏而厥

五味子炒并

人參

杏仁各二錢

麥門冬去心

陳皮各一錢

右薑三片棗二枚水煎服

芎藭湯方見後

附方

六君子湯

補中益氣湯二方見二十四卷第六論

參附湯

方見十八卷第六論

產後口鼻黑鼻衄方論第五

產後口鼻起黑氣及鼻衄者蓋陽明經脈之海起於鼻交額中
還出頰口交人中左之右右之左此產後氣虛榮血散亂胃絕
肺敗之症也急取緋線一條并產婦頂心髮兩條緊緊中指節
更無藥可療

愚按胃脈俠口繞承漿蓋鼻準屬脾土鼻孔屬肺金誠胃虛
肺損氣脫血死之症急用一味參蘇飲加附子五錢亦有得
生者方見前

產後咳噫方論第六

夫肺主於氣而稟於胃蓋產後脾胃傷損風冷所搏故咳噫也

急灸期門三壯必愈此穴乃胃之大絡穴見六卷第十王論

愚按前症屬胃氣虛寒之惡候如用後方未應急投參附湯

亦有復生者

方見十八卷第六論

丁香散 治心煩咳噫

丁香

白豆蔻

各半兩

伏龍肝 一兩

右為末煎桃仁吳茱萸湯每服一錢調下

菴活散 治咳逆

菴活

附子

茴香

炒各半兩

木香

白薑

炮各一錢

右為末每服二錢水一盞薑一捻煎服

一方用桂心五錢薑汁三合水煎服

產後血崩方論第七

產後血崩因經脉未復而勞傷或食酸鹹之味若小腹滿痛肝經已傷最為難治急服固經丸主之

愚按前症若血滯小腹脹滿用失笑散血少小腹虛痞苦鬱湯肝火血妄行加味逍遙散脾鬱不統血加味歸脾湯脾氣虛不攝血補中益氣湯厚味積熱傷血清胃散加槐花風熱相搏傷血四君子防風枳殼

附治驗

一產婦血崩小腹脹痛用被氣行血之劑其崩如湧四肢不收惡寒嘔吐太便頻瀉余用六君炮黑薑四劑稍愈又十全大補三十餘劑而痊

一產婦血崩因怒其血如湧止地口禁目斜手足抽搐此肝經
血耗生風余用六味丸料一劑諸症悉退但食少晡熱佐以
四君柴胡牡丹皮而愈

固經丸

艾葉

赤石脂煨

補骨脂炒

木賊各半兩

附子一箇

右為末飯丸桐子大每服二十丸溫酒或米飲

芎藭湯

芎藭

當歸

芍藥各等分

右每服五錢水煎

附方

失笑散 方見二十卷第五論

十全大補湯

加味逍遙散

加味歸脾湯

三方見二十四卷第四論

補中益氣湯

六君子湯

四君子湯

三方見二十四卷第六論

清胃散

方見二十四卷首論

六味丸

方見二十四卷第十一論

產後月水不調方論第八

產後月水不調由血氣虛損風邪所客邪正相搏以致經候失期或多或少而不得其平也

愚按前症若過期而作痛者氣血俱虛也八珍加參胡丹皮

不及期而來血熱也四物山梔柴胡將來而作痛血實也四
物加桃仁紅花過期而來者血虛也四物加參朮紫黑成塊
者血熱也四物加炒梔炒連丹皮作痛而色淡者瘀多也四
物合二陳治當臨症制宜

附治驗

一產婦月經不調內熱燥渴服寒涼之劑其血如崩腹脹寒熱
作嘔少食用六君子二十餘劑諸病悉愈以加味逍遙散調
理而安

琥珀散 治經脈不調飲食少思日漸消瘦

琥珀

牛膝

生地黄

當歸各一

桃仁

赤芍藥各半

右每服五錢水薑煎

附方

八珍湯

加味道遙散

二方見二十四卷第四論

四物湯

六君子湯

二方見二十四卷第六論

二陳湯

方見二十四卷第五論

產後月水不通方論第九

產後乳子周歲而經不行是其常也若半歲而經行此血有餘也若一二歲不行而無疾不必服藥若肢體倦怠食少內熱是血少也宜健脾胃若以藥通之則誤失

愚按前症脾胃虛弱用六君子湯若兼鬱火傷脾用歸脾湯加丹皮山梔若怒火傷血宜用四物合小柴胡氣血俱虛用

八珍牡丹皮仍然前論主之

附治驗方藥

一產婦月經年餘不通內熱脯熱服分氣丸經行不止惡寒作渴食少倦怠胃滿氣壅朝用加味逍遙散夕用四君子湯月許諸症稍愈佐以八珍湯兼服兩月而愈

六君子湯

四物湯

四君子湯

三方見二十四卷第六論

歸脾湯

加味逍遙散

八珍湯

三方見二十四卷第四論

小柴胡湯

方見二十四卷第二論

產後四肢浮腫方論第十

產後四肢浮腫者乃敗血乘虛流注宜用小調經散陳無擇云
若風邪所乘於氣分皮膚腫而得虛乃氣也若皮膚腫如熟李
乃水也蓋氣腫者宜發汗水腫者宜利小便
愚按前症若寒水侮土損傷脾肺若氣虛浮腫宜益脾胃若
水氣浮腫宜補中氣當參第一卷水分血分主治

附治驗

一產婦飲食少思服消導之劑四肢浮腫余謂中氣不足朝用
補中益氣湯夕用六君子湯而愈後因怒腹脹誤服沉香化
氣丸吐瀉不止飲食不進小便不利肚腹四肢浮腫用金匱
加減腎氣丸而愈

一產婦泄瀉四肢面目浮腫喘促惡寒余謂脾肺虛寒用六君

加薑桂而泄瀉愈又補中益氣而脾胃健
小調經散

沒藥

琥珀

桂心

芍藥

當歸各一錢

右為末每服半錢薑汁溫酒調

大調經散最治腫滿喘急煩渴小便不利方見二十卷第三論

漢防已散 治水腫

漢防已

猪苓

枳殼炙炒

桑白皮

各一兩

商陸

甘草

各三錢

右每服四錢水煎

治血虛氣腫水腫

澤蘭葉

防已等分

右為末每服二錢溫酒調下醋湯亦可

金匱加減腎氣丸

治脾胃虛寒腰重脚腫濕飲留積小便不利或肚腹腫脹四肢浮腫氣喘痰甚或已成水症其効如神

白茯苓

附子

川牛膝

肉桂

澤瀉

車前子

山茱萸

山藥

牡丹皮

各一兩

熟地黄

酒拌杵碎

右為末和地黃膏煉蜜丸桐子大每服七八十丸空心米飲下

附方

補中益氣湯

六君子湯

二方見二十四卷第六論

產後腹痛瀉利方論第十一

產後狀痛瀉利因腸胃虛寒邪乘襲或水穀不化洞泄腸鳴

兼手足逆冷用補中湯治之陳無擇云若六淫土情而致者當隨所感而治之

愚按前症若胃膈飽脹或惡食吞酸此飲食停滯用六君枳實山查以消導若食既消而仍痛更或頭痛熱渴惡寒欬嘔此中氣被傷用補中益氣半夏茯苓以健脾胃

附治驗

一產婦腹痛發熱惡食余以為飲食傷脾彼反服破血之劑加寒熱頭痛嘔吐涎沫用化痧理氣四肢逆冷泄瀉下墜余用六君加炮薑肉桂木香再用補中益氣湯而愈

一產婦腹痛後重去痢無度形骸倦怠飲食不甘唇腫盜汗竟夜不寐此脾經虛熱之症用當歸六黃湯內黃芩連柏炒黑

一劑汗止乃用歸脾八珍兼服而愈
調中湯

良姜

當歸

桂心

芍藥

附子炮

川芎 各一甘草炒五錢

右每服三錢水煎服

附方

六君子湯

補中益氣湯 二方見二十四卷第六論

當歸六黃湯

方見十九卷第六論

歸脾湯

八珍湯 二方見二十四卷第四論

產後赤白痢方論第十二

產後痢疾因飲食不潔七情傷于脾胃或血滲大腸皆為難治

若飲食不進謂之虛痢氣字不順謂之氣痢治法熱則涼之冷則溫之冷熱相搏則溫涼調之滑者澀之虛者補之水穀不分者分利之性清執滯者和順之未有不安者也

愚按前症白屬氣分而赤屬血分也若米食所傷用六君加穀蘖若麪食所傷用六君加麥蘖若肉食所傷用六君加山楂神麪凡兼嘔吐俱加藿香若兼噯酸或嘔吐用前藥送越鞠丸若肝木剋脾土用六君加柴胡炮薑若寒水反來侮土用錢氏益黃散若久瀉或元氣下陷兼補中益氣湯以升發陽氣若瀉痢色黃乃脾土真氣宜加木香肉豆蔻若屬脾土虛寒用六君加木香薑桂若脾腎虛寒用補中益氣及四神丸若屬命門火衰而脾土虛寒用八味丸以補土母若小便

瀉滯肢體漸腫或兼喘咳用金匱順氣丸以補脾胃利水道
若胃氣虛弱而四肢浮腫須補胃為主若久而不愈是腎氣
虧損也必用四神六味八味三藥以補足三陰若用分利導
水之劑是虛其虛也

一產婦泄痢腹痛年餘形體骨立肉熱補熱自汗盜汗口舌糜
爛日吐痰二碗許脉洪大重按全無此命門火衰脾土虛寒
而不能攝痰歸源用八味丸補火以生土用補中益氣湯兼
補肺金而痊

一產婦食雞子腹中作痛面色青黃服平胃二陳更下痢腹脹
用流氣飲子又小腹一塊不時上攻飲食愈少此脾胃虛寒
肝木尅侮所致用補中益氣加木香吳茱萸漸愈又用八珍太

補兼服調理尋愈

五味子散

治產後泄瀉或腎泄在侵晨五更作瀉飲食不進

或太便不實不時去後為丸尤効

五味子

炒三兩

吳茱萸炒五兩

右為末每服二錢白湯調

四神丸

治脾胃虛弱太便不實飲食不思

二神丸

六君子湯二方見八卷第八論

補中益氣湯

方見二十四卷第八論

香連丸

方見八卷第八論

六味丸

八味丸二方見二十四卷第十一論

金匱腎氣丸

方見前

八珍湯方見二十四卷第四論

太醫院校註婦人良方卷之二十二終

太醫院校註婦人良方大全卷之二十三

江右臨川陳自明良甫編

太醫院使立齋薛已校註

建邑書林泗泉余彰德梓

產後門

產後痢疾作渴方論第一

產後下痢作渴者乃內亡津液或胃氣虛不能生津液但止其渴痢自差

愚按前症若渴而不喜冷飲屬胃氣虛不能生津液宜用七味白朮散夜間發熱口渴屬腎水弱而不能潤宜用六味丸並佐以益氣湯以滋化源

附治驗方藥

一產婦瀉痢發熱作渴吐痰肌體消瘦飲食少思或胸膈痞滿
或小腹脹墜年餘矣余以為脾腎之瀉朝用二神丸夕用六
君子三月餘而痊

一產婦患前症形體倦怠飲食不進與死為鄰此脾胃俱虛也
用四神丸十全大補湯而愈

附方

七味白朮散

方見二十一卷第二論

六味丸

方見二十四卷第十二論

補中益氣湯

六君子湯

二方見二十四卷第六論

十全大補湯

方見二十四卷第四論

四神丸

二神丸 二方見八卷第八論

產後大便秘澀方論第二

產後大便秘澀因腸胃虛弱津液不足若小腹悶脹宜服麻仁丸潤之若用寒藥則促其危矣

愚按前症若計其日期飲食數多即用藥通之禍在反掌之間必待腹滿竟脹欲去不能者乃結在直腸宜用猪膽汁潤若服苦寒踈通反傷中氣通而不止或成痞症若去血過多用十全大補血虛火燥用加味四物氣血俱虛用八珍湯雖數日不通飲食如常腹中如故仍用八珍加桃仁杏仁治之若泥其日期飲食數多而通之則誤矣

附治驗

一產婦太便秘七日不通飲食如常狀中如故此狀未滿也用
珍加祕杏二仁至二十一日腹滿欲去用猪膽汁潤去而安
一產婦太便秘不通或用通利之藥中脘脹痛飲食甚少又用蜜
導之太便秘不禁吃逆不食余以為脾腎伏傷用六君加吳茱
肉果骨脂五味數劑喜其年壯而愈不然多致不起
一產婦太便秘結小腹脹痛用大黃等藥致吐瀉不食腹痛胸
痞余用六君子加木香炮薑治之而愈。一婦人太便秘澀
諸藥不應苦不可言令飲人乳而安

麻仁丸

大麻仁

研如泥

枳殼

人參各四

大黃二

石為末入麻仁煉蜜丸桐子大每服二十丸空心溫酒下未

通漸加不可過服

阿膠枳殼丸 治產後太便秘澀以阿膠枳殼二味等分為末蜜丸桐子大滑石末為衣溫水下二十丸如或不通再服

附方

十全大補湯

八珍湯

二方見二十四卷第四論

加味四物湯

方見二十四卷第六論

產後大小便不通方論第三

產後大小便不通因腸胃虛弱津液燥竭故也

愚按前症若參前後論及八卷八論主治

附治驗

一產婦大小便不通諸藥不應將危矣令飲牛乳一日稍通二

時而痊入乳尤善

桃花散 治膀胱積滯血澀大小便秘

桃仁

葵子

滑石

檳榔等分

右為末每服二錢空心葱白湯調下

通氣散治產後大小便不通

方見八卷第七論

產後遺糞方第四

產後遺糞取故燕窠中草燒為末或枯礬杜蠟或白欬方藥各等分為末俱用酒調服或用固腸丸亦可

愚按前症若脾腎虛弱用還少丹仍以補中益氣湯為主虛寒加肉豆蔻補骨脂或四神丸若脾腎虛寒用八味丸兼四神丸仍佐以前二方

附治驗 小便出尿方藥附

一產婦太便不實飲食少思五更或侵晨遺尿此中氣虛寒脾
腎不足用補中益氣送四神丸而痊
一產婦小便出糞名太小腸交乃氣血俱虛失行常道先用六
君子湯二劑又用五苓散二劑而痊循常腸交亦可用

附方

還少丹 治脾腎虛寒飲食少思發熱盜汗遺精白濁又治真
氣虧損肌體瘦弱等症

肉蓯蓉

遠志心去

茴香

巴戟

乾山藥

枸杞子

熟地黃

石菖蒲

山茱萸核去

牛膝

杜仲去皮製

楮實子

五味子

白茯苓

各二兩

右各另為末用棗肉百枚并煉蜜丸桐子大每服五七丸
空心溫酒或鹽湯下日三服

補中益氣湯

六君子湯

二方見二十四卷第六論

四神丸

方見八卷第八論

八味丸

方見二十四卷第十一論

五苓散

方見二十一卷第十論

產後諸淋方論第五

產後諸淋曰熱客于膀胱則頻數熱則澀痛氣虛熱血入胞

中則血隨小便出而為血淋也

愚按前症若膀胱虛熱用六味丸若陰虛而陽無以化用滋

陰腎氣丸蓋土生金金生水當滋化源仍參第八卷小便淋瀝頻數類

附治驗

一產婦小水淋瀝或時自出用分利降火之劑二年不愈余以爲肺腎之氣虛用補中益氣湯六味地黃丸而痊

滑石散

治熱淋

滑石

研五分

通草

車前子

葵子

各四分

右爲末以漿水調服

治小腸有熱小便澀痛或爲血淋

瞿麥

黃芩

冬葵子

各二兩

通草

二兩

大棗

十二枚

右以水七升煎二升半分三服

治脾氣不利小便不通橘紅為末每服二錢空心溫酒下

治肺氣不利小便不通杏仁十四枚去皮尖炒食之

治脾轉小便不利滑石一錢半寒水石一錢水煎服

附方

六味丸

方見二十四卷第十一論

滋陰腎氣丸

補中益氣湯

二方見二十四卷第六論

產後小便頻數方論第六

產後小便數者乃氣虛不能制故也

愚按前症若因穩婆不慎以致胞損而小便淋瀝者用八珍湯以補氣血若因膀胱氣虛而小便頻數當補脾肺若膀胱

陰虛而小便淋瀝源補肺腎仍參第八卷小便頻數諸類

附治驗

一產婦小便頻數時忽寒戰乃屬脾肺虛弱用補中益氣加山藥
山藥為主佐以桑螵蛸散而愈後患發熱晡熱盜汗自汗月
水不調用加味逍遙散而安

一產婦患前症吐痰發熱日晡作渴此膀胱陰虛用補中益氣
湯佐以六味丸而愈又患痢後小便頻數手足俱冷屬陽氣
虛寒用前湯及八味丸而瘳

桑螵蛸散 治陽氣虛弱小便頻數或為遺尿

桑螵蛸三十箇炒 鹿茸酥炒 黃芪各三兩 牡蠣煨

人參 厚朴 赤石脂各二兩

右為末每服二錢空心粥飲調下

又方用益智仁為末米飲下

附方

八珍湯

加味道遙散 二方見二十四卷第四論

補中益氣湯

方見二十四卷第六論

六味丸

八味丸 二方見二十四卷第十一論

產後小便不禁方第七

廣濟治產後小便不禁用雞尾燒灰千金翼用白薇芍藥桑
俱用溫酒下日三服或桑螵蛸半兩龍骨二兩為末每服二錢
粥飲調下

愚按前症若脾肺陽虛用補中益氣湯若肝腎陰虛用六味

地黃丸若肝腎之氣虛寒用八味地黃丸

附治驗

一產婦小便不禁二年不愈面色或青赤或黃白此肝脾氣血
虛熱用加味道遙散為主漸愈佐以六味丸而痊後因怒小
便自遺太便不實左目頓系面色頓赤仍用前散佐以六君
子湯以清肝火生肝血培脾土而瘳

補脾飲

治胞破小便淋瀝

生絹

黃色者一尺

白牡丹

用根并皮

白芨

各一錢

右水

一碗煎至絹爛

溫服

後忌言語否則無効

鷄內金散治氣虛弱床用雄鷄胫胫并腸燒為末溫酒調服

附方

補中益氣湯 六君子湯 二方見二十四卷第六論

六味丸 八味丸 二方見二十四卷第十一論

加味道遙散 方見二十四卷第四論

產後小便出血方論第八

產後小便出血者因虛熱血滲於脬也以亂髮洗淨燒為末米餘調服或滑石末一錢生地黃汁調下

愚按前症若膏粱積熱用加味清胃散醇酒濕毒葛根解酲湯怒動肝火加味小柴胡湯鬱結傷脾加味歸脾湯思慮傷心妙香散太腸風熱四物側柏槐花太腸血熱四物炒連槐花腸胃虛弱六君升麻柴胡元氣下陷補中益氣茯苓半夏胃氣虛弱六君升麻血虛四物升麻氣血俱虛八珍柴胡升

麻大元氣虛弱而發熱者皆內真寒而外假熱也但用六
君或補中益氣加炮薑溫補脾氣諸症悉退若四肢畏冷急
加附子

附治驗方藥

大便下血附

一產婦尿血面黃脇脹少食此肝木乘脾土也用如味逍遙補
中益氣兼服而愈後為懷抱不樂食少體倦驚悸無寐血仍
作用加味歸脾湯二十餘劑將愈感於衆論服犀角地黃湯
諸症復作仍服前湯而愈

一產婦糞後下血食少體倦此脾氣虛熱用補中益氣加吳茱
炒黃連五分四劑頓愈用歸脾湯而痊

一婦人怒則便血寒熱口苦或胸脇脹痛或小腹痞悶此肝木

素脾土用六君柴胡山施而愈用補中益氣如味逍遙而不復作

一婦人久下血在糞前屬脾氣虛寒用補中益氣加連炒吳茱一錢數劑稍緩乃加生吳茱五分數劑而愈

黃連炒吳茱更法見七卷第五論

一產婦太便後血口乾飲湯胸脇膨滿小腹悶墜內熱哺熱食少疲倦日晡面赤洒淅惡寒此脾肺氣虛先用六君加乾薑木香漸愈用補中益氣將愈用歸脾湯全愈後勞役兼怒發熱血崩夜間譫語此熱入血室用加味小柴胡二劑而熱退用補中益氣一劑而血止用逍遙散歸脾湯調理而安

葛花解酲湯

治酒積上下外消其濕

白芷蔻

砂仁

葛花各五

木香五

青皮錢三

陳皮

白茯苓

猪苓

人參

錢各一

白朮

神麴

澤瀉

生乾薑

錢各二

一右為末每服五錢白湯調下

加味清胃散

方見二十四卷首論

加味小柴胡湯

方見二十四卷第二論

加味歸脾湯

歸脾湯

八珍湯

逍遙散

加味逍遙散

五方見二十四卷第四論

妙香散

方見六卷第八論

四物湯

六君子湯

補中益氣湯

三方見二十四卷第六論

產後陰脫玉門不閉方論第九

產後陰脫玉門不閉因坐產努力舉動房勞所致或脫肛陰挺
逼迫腫痛小便淋瀝

愚按玉門不閉氣血虛弱也用十全大補湯腫脹炊痛肝經
虛熱也加味道遙散若因憂怒肝脾氣血傷也加味歸脾湯
若因暴怒肝火血傷也龍膽瀉肝湯仍參第八卷末諸論

附治驗

一產婦玉門不閉發熱惡寒用十全大補加五味子數劑而寒
熱退用補中益氣加五味子數劑而玉門閉

二婦人脾胃素弱兼有肝火產後玉門腫痛寒熱作渴嘔吐不
食外敷太黃等藥內用驅利之劑腫及於臀諸症蜂起此真

氣虛而邪氣盛也。先用六君子以固腸胃，次用補中益氣以升陽氣，不數劑而全愈。

一產婦患此失治，腫潰不已，形體消瘦，飲食少思，朝寒暮熱，自汗盜汗，半年矣。用補中益氣加茯苓，並夏臘水漸少，飲食漸進，用歸脾湯共五十餘劑而愈。

一產婦玉門不閉，小便淋瀝，腹內一塊，攷走脇下，或脹或痛，用加味道遙散加車前子而愈。

一產婦陰脫，便閉下墜，形氣倦甚，用十全大補湯而上，因怒仍脫，重墜寒熱，小便淋瀝，用補中益氣湯加山梔、龍膽草、丁齊重墜，減而小便利，仍用前湯去一味，倍用參、芪、升麻而痊。

一產婦陰脫，腫痛，小便淋瀝，此元氣虛而肝火旺也，用補中益

氣湯加山梔車前子四劑而肝症悉退仍用前藥去一味加
茯苓而小便利又用十全大補湯而腫痛漸消

一婦人元氣充實初產玉門不閉腫焮作痛小便不利余謂肝
經濕熱壅滯欲以如味逍遙散加車前子牛膝治之不信乃
服十全大補湯腫痛益甚乃用前藥更加澤瀉一劑而愈
一產婦陰脫腫痛脉滑數飲作膿也余用十全大補湯而膿成
又數劑而膿始潰沮小便頻數患處重墜此元氣虛而下陷
也用補中益氣湯數劑而瘡

一婦人子宮腫大二月方以損落下片殊類猪肝面黃體倦飲食無
味肉熱晡熱自汗盜汗用十全大補湯廿餘劑諸症悉愈仍復育

硫黃散

治產後陽氣虛寒

硫黃

烏賊骨醋半

五味子錢五

右為末搽患處日三易

一方蛇床子丁升炒熟帛裹熨患處亦陰痛

一方子宮脫出以葦麻子仁十四枚研塗頂心入即洗去

附方

十全大補湯

加味道遙散

加味歸脾湯

歸脾湯四方見二十四卷第四論

龍膽瀉肝湯

方見二十四卷第八論

補中益氣湯

六君子湯二方見二十四卷第六論

婦人陰蝕方論第十

婦人少陰脉數而滑者陰中有蟻名曰廔或痛或痒如蟲行狀

膿水淋瀝亦有陰蝕幾盡者皆由心神煩鬱脾胃虛弱氣血流滯耳內當補心養胃外以藥傳洗乃可

愚按前症乃肝脾鬱結之症木旺生蟲耳宜解鬱清肝備見八卷陰中生瘡類

附治驗

一產婦素有肝火患此內潰痒痛食少熱瀉小水淋瀝用加味逍遙散加味歸脾湯煎服間以蘆薈丸外以鶴風草煎洗愈治疳蟲蝕下部用蒲黃研勻傳以內平胃散加芫花末二錢以熟豬肝拌藥內陰中

附方

加味歸脾湯

加味逍遙散

二方見二十四卷第四論

麝香丸 方見七卷第十論

產後乳少或止方論第十二

婦人乳汁乃氣血所化若元氣虛弱則乳汁短少初產乳房炊
脹此乳未通若怒氣乳出此肝經風熱若累產無乳此內亡津
液蓋乳汁資於衝任若婦人疾在衝任乳少而色黃者生子則
怯弱而多疾

愚按前症若氣血虛弱而不能化生宜壯脾胃怒動肝膽而
乳腫汁出宜清肝火夫乳汁乃氣血所化在上為乳在下為
經若屢產無乳或大便澀滯當滋化源

附治驗

一產婦因乳少服藥通之致乳房腫脹發熱作渴余謂血氣虛

以王露散補之而愈

湧泉散 能下乳忌食薑椒辛辣飲食

王不留行

麝香

麥門冬

龍骨

各二錢

右用猪蹄汁一碗酒一杯煎服以木梳於乳上梳下

治氣血虛鍾乳粉每服二錢煎漏蘆湯調

附方

玉露散 治乳脉不行身體壯熱頭昏痛大便澁滯等症

人參

白茯苓

桔梗

芍藥

各一錢

甘草

各六分

右水煎服

產後乳出方論第十二

產後乳汁自出乃胃氣虛宜服補藥止之若乳多滿痛用溫皂
熨之未產而乳自出謂之乳泣生子多不育

愚按前症氣血俱虛用十全大補湯肝經血熱用加味道遙
散肝經怒火用四物參朮柴施肝脾鬱怒用加味歸脾湯

附治驗

一產婦勞役忽乳汁如湧昏昧吐痰此陽氣虛而厥也灌以獨
參湯而甦更以十全大補湯數劑而安若婦人氣血虛盛乳
房作脹或無兒飲脹痛增寒發熱用麥芽二三兩炒熟水煎
服立消其耗散血氣如此何脾胃虛弱飲食不消方中多

十全大補湯

加味道遙散

加味歸脾湯

三方見二十四卷第四論

獨參湯 方見三卷十一論

四物湯 方見三十四卷第六論

產後吹乳方論第十三

產後吹乳因兒飲口氣所吹乳汁不通壅結腫痛不急治多成癰速服括婁散及敷南星更以手揉散之

愚按前症用藥切不可損其氣血治驗見二十四卷一
括婁散乳香二錢括婁一箇酒煎服用南星溫湯調塗
一方用陳皮二兩甘草一錢水煎服

產婦妬乳方論第十四

妬乳因兒未能飲餘乳蓄結以致腫痛初不吮通之必致成癰
若乳頭生瘡浸淫名妬乳宜赤龍皮湯天麻湯飛烏膏飛烏散

傳以黃連胡粉散

愚按乳盛或無子飲乳以致腫痛炒太麥芽煎服其乳即散
若成瘡當從乳癰類治若皮膚津滯成瘡當用本方
治乳初腫痛內消方用瓜蒌一箇粉草一寸生薑一鬼半酒二碗煎
服少頃去敗乳再服即愈

赤龍皮湯槲皮三升水一斗煮五升溫洗之

麻草湯以天麻草五升水煎洗之此草葉若麻葉冬生夏花赤
如鼠尾花亦洗浸滯濕痒陰蝕等瘡

飛鳥散用燒硃砂作水銀上黑煙各羅粉共三兩枯礬一兩傳之諸熱

浸淫丈夫陰蝕痒濕小兒頭瘡症蝕瘡等

黃連胡粉膏 治症同前

黃連

二兩

胡粉

水銀

一兩同研

右皮果熟授和合傳之

一方乳頭裂破秋茄子裂開者陰乾燒存性水調塗之

大醫院校註婦人良方大全卷之二十三

終

